



Inatsisartuni ilaasortaq
Anthon Frederiksen
Partii Naleraq

21-08-2017
Sags nr.: 2017 - 16564
Dok. nr. 22401538

**Inuit ilaqtariillu pissakinnerusut akunnattumillu isertitaqartartut pillugit § 37
naapertorlugu apeqquq 2017-191-imut akissuteqaatit**

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Asasara Anthon Frederiksen,

Apeqqutinut nassiussannut qujanaq. Innuttaasunit amerlanerpaat inissianik imminnut
pilersorsinnaalernissaat Naalakkersuisut anguniagaraat.

Apeqqutitit matuma kinguliani issuarneqarput, uangalu akissutinik
malitseqartinneqarlutik.

- 1. Inuit ilaqtariillu pissakinnerusut akunnattumillu isertitaqartartut ,
inissiami illumiluunniit pisortanit pigineqartumi, minnerpaamik
ataavartumik ukiuni 25-ini najungaqsimasunut, immikkut ittumik
inigisamut akikillisaataasinnaasumik Naalakkersuisut qanoq
iliuseqarsinnaappat?**

AKISSUT: Pisortat inissiaataannik attartortuugaanni, inissiap attartortittakkap
inissiamut nammineerluni pigisamut allanngortinneqarnissaanut
akuersissummik qinnuteqartoqarsinnaavoq. Tunisinermut akiusumut
akikillisaammik, attartortup sumiiffinni assigiinngitsuni attartortuusimanera
apeqqutaatinnagu, attartortup ukiuni qanoq amerlatigisuni attartortuusimanera
tunngavigalugu naatsorsorneqartumik akikillisaasiisoqartarpoq. Tamatuma
saniatigut Naalakkersuisut kontomut pingaarnermut 72.06.51 Inissianik
tunisineq, oqaaseqaat nr. 2 tunngavigalugu nammineerluni
anigaasalersuisarnermi unammilligassat ikiorsiivigineqarnissaannut atasumik
akuersissuteqartarput:

*Naalakkersuisut kommunillu illunik ilaqtariinnut ataatsinut inissianik illunilu
affarleriinnik attartortittakkanik maanna attartortunut ataatsikkut akiliisitsillutik
tunisinessamut piginnaatinneqarput. Piginnaatitsissut taamaallaat illunut,
275.000 koruunit inorlugit niuernerme naleqartunut atuuppoq. Attartortup
pisinermut akiusoq ataatsikkut akilersinnaanngippagit akilersuinerneq
aaqqissuussinermik, qaammatinit 60-ini sivilisunernngitsumik
akilersuiffiusussamik isumaqatigiissuteqartoqarsinnaavoq.
Erniaqartitsisoqassanngilaq akitsuuteqartitsisoqassaniluunniit.*

2. Inigisamut tapiissutit ullumikkut pioreersut saniatigut, inunnut pissakinnerusunut akunnattumillu isertitaqartartunut inigisamut oqilisaassinissaq siunertaralugu Naalakkersuisut qanoq iliuuseqarniarpat?

AKISSUT: Naalakkersuisut ukiakkut ataatsimiinnissami inatsisissatut siunnersuut, akissaatikinnerusut akunnattumillu akissarsiaqartut, aammalu pensionistit amerlanerusut namminerisamik illussinissamut, soorlu piginneqatigiilluni inissiaatinut aaqquissuussineq aamma 20/20/60-imik taarsigassarsititsisarneq aqquqatigalugu, periarfissaqarnerulernissaannik siunertaqarfiusoq saqqummiunniarpaat.

Ilisimatitsissutigisinnaavara, Namminersorlutik Oqartussat najugaqarfiutaanni ineqarnermut akiliutit 2018-imi nikisineqartussanngimmata, taamaalillunilu ineqarnermut akiliutit qaffattussaannat. Naalakkersuisut ineqarnermut pilersaarutunik suliaqarnerat tamatumunnga peqqutaavoq. Immikkoortumut pilersaarutini inassuteqaatit suliniutit annertusinerisigut sunniutit takuniarlugit misilerarneqarnissaat nalilersorneqarnissaallu pingaaruteqarpoq. Kiisalu inissiani pisortanit pigineqartuni pitsaasumik ingerlatsinissaq siuarsarniarlugu ineqarnermut akiliutit katitigaanerat misissorneqartussaavoq.

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoqarfik ilisimatitsivoq: Inissiani attartortittakkani ineqarnermut tapiissutit pillugit inatsit naapertorlugu isertitanut killiliussatut aalajangersarneqartut iluanni ineqarnermut tapiissuteqartoqarsinnaavoq. Isumaginninnermut inatsisip iluani inissianik piginnittunut ineqarnermut tapiinissamut tunngavissaqartoqanngilaq, inissiamik pigisaqartup isertitaasa annertussusaat imaluunniit inissiateqariaaseq atorineqartoq apeqquaatinnagu.


3. Atorfillit atorfimminnut atatillugu inimut neqeroorummut narrusinnaatitaappat?

AKISSUT: Aningaasaqarnermut Sulisoqarnermullu Aqutsisoqarfik ilisimatitsivoq: Rigsombudimi, Nunatta Eqqartuussiviani, Politimestereqarfimmi, Inatsisartuni taakkulu sullissiviini, kiisalu Namminersorlutik Oqartussat qitiusumik allaffeqarfiani taassumalu sullissiviini atorfeqartut, tassalu pisortat Naalakkersuisunullu ilaasortat ilanngunnagit, inissiamik innersuunneqartunik narrusinnaatitaanngillat, tak. inissiarnik attartortitsisarneq pillugu Inatsisartut peqqussutaanni § 20 inatsimmullu nassuiaatit. Sulinnermut atatillugu inissiatut immikkoortinneqartut, najugaqarnissamut pisussaaffeqarfiusut peqqussutip atuuffiata avataaniipput, tak. Nalunaerutit C, 5-1-9. Tassunga tunngatillugu peqqussummi § 3 kiisalu inatsimmut nassuiaatip tassunga tunngasortaa takukkit.

Naggasiutigalugu ilisimatitsissutigisinnaavara Naalakkersuisut inatsisissatut

peqqussumik nutaamik, Inatsisartut 2018-imi ukiakkut ataatsimiinneranni
Inatsisartunut saqqummiunneqartussamik suliaqarmata.

Inussiarnersumik muulluaqqusillunga

A handwritten signature in black ink, appearing to read 'Erik Jensen'. The signature is written in a cursive style with a large initial 'E' and 'J'.

Erik Jensen